

# Notes du mont Royal

[www.notesdumontroyal.com](http://www.notesdumontroyal.com)

Cette œuvre est hébergée sur «*Notes du mont Royal*» dans le cadre d'un exposé gratuit sur la littérature.

SOURCE DES IMAGES

Google Livres

# THE OGNI

DIS MEGARENSIS (SEN-

tentiæ Elegiacæ, cum interpretatio-

ne & Scholijs Eliæ

~~Carminibus~~ Vineti. ~~libellis~~

ACCESSERVNT ET HORVM

Poetarum opera Sententiosæ:

Phocylidis

Pythagoræ

Solonis

Tyrtæi

Naumachij

Callimachi)

Mimnermi

Eueni

Rhiani

Eratosthenis

Panyafidis

Lini

Menecratis

Pofidippi

Metrodori

Simonidis.

Joannes Scharfius

Senariorum libellus.

*Receptus* No. 15 XCI M. Januar.

Omnia in usum Scholarum collecta, & aduersum conuersa per IACOBVM

HERTELIVM

Curissem.

Adiecta quoq; est omnium uersio Latino carmine à diuersis expressa.)


Ὁὐ πρὸς δ' ἀπαντὸς ἴσθι ἀρτίσαι ἡλιῶς.

B A S I L E A E.

1572

Opus





AMPLISSIMIS, PIER-  
 TATE, PRUDENTIA, AC  
 eruditione præstantissimis uiris, D. Cos.  
 & Senatoribus Reipublicæ SAL-  
 VELDENSIS, Dominis ac pa-  
 tronis suis obseruandis.  
 S. P. D.



VANDOQVIDEM, uiri am-  
 plissimi, nihil animis ho-  
 minum magis inhæret,  
 quàm id, cui à teneris cõ-  
 suecunt: idque quod te-  
 nerum est, ut ait Seneca,  
 proximis applicatur: un-  
 uersæ hominũ societatis permagni inter-  
 est, ut ab ineuntibus statim annis morta-  
 les optimis, quæ per totam uitam usui fu-  
 tura sint, assuescere discant. Quia uerò æ-  
 tatis imbecillitate iuuetus ad malũ quàm  
 ad bonum procliuior, minus considerat  
 profuturane an obfutura sint, quæ tra-  
 ctat: opus est, ut per adultiores, quibus cu-  
 ra eius qualicunque modo incumbit, à  
 turpibus ad honesta, à uitijs ad uirtutũ a-  
 2 2 morem

## EPISTOLA

morem deducatur. Id autem nulla cōmodiore uia, quàm per liberalem institutionē, fieri potest. tanta enim eius uis est in utrāq; partem, ut nulla tam bona possit esse natura, quin illius quasi excolendæ cura intermissa, uitiosa reddatur: nulla item tam mala sit, quæ non ad frugem liberali ac fideli institutione redigatur. Proinde cū adulta hominū ætas ad omnia minus docilis tractabilisq; sit, quàm rudes illi iuuentutis anni, qui instar ceræ quamlibet impressionē facile admittunt: tum generosi mores, ut ille ait, imbuēdi sunt, cum tener est animus: tum optimis assuescendum, eaq; discenda, quæ nec grādinem, nec uim, nec Iouem ipsum, ut Plato inquit, extimescāt: quæ quoque cū naufrago salua enatare, nec à latronibus eripi queant, cum ad quæuis cereuma adhuc est ingenium. Nam postquam annis iā quasi dirigit animus, partim ægrè, quorum praua cōsuetudine fuimus infecti, dediscimus: partim, quæ nescimus, nō nisi maxima nobis inculcari difficultate possunt. Quò elegantissima metaphora hac respexisse uidetur Ouidius:

*Quæ præbet latas arbor spaciantibus umbras,  
Quo posita est primum tempore, uirga fuit.*

*Tunc*

## DEDICATORIA.

*Tunc poterat manibus summa tellure reuelli,*

*Nunc stat in immensum uiribus aucta suis.*

Hęc perita rerum antiquitas considerans, quę nihil non egit, ut Respublicę optimę constitutę in suo flore permanerent, iuuentutem, ceu seminarium totius hominum cōuersationis, optimis quibusuis non tam artibus & disciplinis, quàm morum uitęque præceptis imbuendam curauit. Non ignara, & sine literis rudes inertesque, & cum literis parũ utiles fore homines, nisi honestati uitę quàm primũ assuefierent.

Plus enim deficere quàm proficere eum,  
qui doctrina proficit, & moribus deficit,  
 præter Aristotelem, quotidiana docet experientia. Non autem quæuis temerę, & citra delectum, teneris puerorum animis obtrudi passa est: sed eos autores, q̄ & pietatem, & præcepta de morum uirtutibus continerent, proposuit. In quorum autorum numero, Poetę, qui uel mira ingenij industria clarorum uiroꝝ egregia facta in exemplum posteritati descripta reliquissent: uel quàm breuissimis, maximeque illustribus sententijs doctrinam morum essent complexi, suo quodam iure facile primas obtinuerunt: unde & nomen

## EPISTOLA

Illorū in maximo cultu, maximaq; uenera-  
 tione apud optimos quosuis extitisse non  
 ignoramus. Plato, philosophiæ quidā sol,  
 huiusmodi Poetas non dubitat nunc deo-  
 rum filios, nunc prophetas appellare. Et  
 tantū abest ut è Repub. sua eiecerit (quod  
 ijs fecisse legitur, qui diuina poeticæ arte  
 ad lasciuiam, turpesque amores abusi e-  
 rant) ut & ipse testimonijs eorum usus, &  
 alijs exemplo suo præclarissima ipsorum  
 monumenta euoluendi autor fuerit. Si-  
 cut eius rei locuples testis est honestissi-  
 ma creberrimaque apud ipsum Solonis,  
 Tyrtaei, Homeri, Hesiodi, & aliorum me-  
 lioris notæ mentio. Socratem, qui ipsius  
 Apollinis oraculo sapiens pronunciatus  
 est, Euripide Tragico familiarissimè usum  
 esse, nemo nescit. *μυσῶν θεράποντες ἢ αὐτῶν  
 ἀφοῦτοι* ab Hesiodo & Pindaro nuncupan-  
 tur. Strabo autem lib. 1. de Situ orbis scri-  
 ptum reliquit, ueteres *τὴν πρώτην ποιητικὴν*,  
 ut omnium doctrinarum, antiquissimam,  
 philosophiam quādam perhibuisse. Quip-  
 pe quæ à teneris nos unguiculis ad uiuēdi  
 rationes perducatur, mores atque affectus e-  
 doceat, quæq; gerenda, declinandāue sint,  
 quadam cantus suauitate præcipiat. Et  
 quò

## DEDICATORIA.

quò magis suam erga huiusmodi *ἠδίνης ποίη-  
 ντας* gratitudinē testatam redderent, iuue-  
 nesq; ad bonarum rerum studia, morumq;  
 integritatem excitarent: statuis ac imagi-  
 nibus eos honestari, poemata ipsorum in  
 publicis Deorum celebritatibus, alijsq; cō-  
 uentibus recitari, optimasq; sententias tē-  
 plorum foribus, tāquam Deo dignas, imò  
 ab ipsis Numinib. usūrpatas, affigi, nec nō  
 aureis preciosisque materijs insculptas ad  
 omnem posteritatem cōseruari curauerūt.  
 Quemadmodum ex Platone, Xenophon-  
 te, Pausania, Plutarcho, Athenæo, alijsque  
 uetustissimis scriptoribus & iā dicta, & al-  
 lia plura de Poetarū excellentia & utilita-  
 te cuius obuia sūt: nec patitur epistolę au-  
 gustia huc omnia referre. Etsi uerò Christi-  
 anæ professionis homines, sinceræ Reli-  
 gionis Pietatisq; studium nō ab huiusmo-  
 di autoribus, sed ex sacrosanctæ Scripturæ  
 fontibus petere depēt & possunt, ut quę so-  
 la salutem & æternā beatitudinem per Ie-  
 sv CHRISTI ueri Dei, ueriq; hominis me-  
 ritum credentibus paratam esse monstret,  
 præceptaque ad Christianam uitam utilia  
 copiosissimè præscribat: tamen Poetarum  
 quoque (qualium scripta iuuentuti propo-



EPISTOLA

nimus) lectionem & usurpatam, & in non  
 contemnēdo precio habitam, habendam-  
 que esse, grauiſſima sanctiſſimorum in Ec-  
 clesia Dei uirorum exempla & auctoritates  
 comprobant: quarum pauciſſimas, ob eos  
 qui parum dextrè de Poetis sentiſſit, in me-  
 dium proferre placuit. D. Paulum, electum  
 illud Dei omnipotentis organum, Poeta-  
 rum libros euoluiſſe, & ut Clemens ait. ad  
 ædificationem curamq; aliorum, testimo-  
 nijs eorum uti nō erubiſſe, Sacrarum lite-  
 rarū ueritas teſtatur. Sic Act. 17. ubi Deum  
 eſſe probat, Aratum uetustiſſimum poetā  
 citat. 1 Cor. 15. ex Menandro Comico malo-  
 rum conſortia fugienda monet, quòd pra-  
 uis colloquijs boni mores corrumpantur.  
 Cretenſium mores Tit. 1. ex Epimenide ua-  
 te Cretenſi graphicè depingēs ait: *κέρτες αἰ  
 ψόνται, λυκὰ θύρα, γαργέρες ἀργαί.* Gregorius  
 Nazanzenus, ob excellentiam Theologus  
 dictus, ſcriptis poetarum mirè delectatus  
 eſt, & ſacrorū carminū uolumen poſterita-  
 ti reliquit: quod nō ſolūm priſcis tempori-  
 bus propoſitum eſt pueris, ut Socrates, So-  
 zomenus, Oroſius & Eutropius ſcribūt, ue-  
 rum etiam hodie à doctiſſimis uiris in deli-  
 cijs habetur. Quid de Iohanne Chryſoſto-  
 mo

DEDICATORIA.

mo Patriarcha Constantinopolitano sub Arcadio & Honorio Impp. anno Christi 401. dicam, qui Aristophanis Comædijs etiam nocte pro puluino usus est? Quid de Eustathio Thesalonicése, cuius etiam hodie eruditissimi in Homerum, ingeniorum fontem, commentarij extant? Neq; mihi hoc loco temperare queo, quo minus etiam D. Basilij Cæsariensis, cui uirtutum splendor Magni cognomen peperit, uerba adscribã, de eorum Poetarum lectione, qui bonorũ hominum dicta facta ue narrassent: quales præ cæteris fuerunt, Homerus, Hesiodus, Theognis, Phocylides, Pythagoras, Solon, Tyrtæus, & alij. Sic ergo in Admonitione ad adolescentes, quo pacto ex gentilium scriptis proficere queant, ait: *ἐπὶ τούτοις παρασκευασθὲν ἢ ποιηταῖς, ἢ λογοποιῶσι, ἢ ῥήτορσι, ἢ πᾶσι μὲν ἀνθρώποις ὁμιλητέον, ἔθρον αὐτῶν μέλλει πρὸς τὴν ψυχῆς ἐπιμέλειαν ὠφέλειά τις εἶσεσθαι. ἢ μετ' ὀλίγον· εἰ δὲ ἔτι τις οἰκαιοῦται πρὸς ἀλλόθλις τοῖς λόγοις, πρῶτον αὐτῶν ἢ γνῶσις γένοιτο· εἰ δὲ μὴ, ἀλλὰ τό γε παράλληλον θούτας καταμαθεῖν τὸ διαφορὸν ἢ μικρὸν εἰς βεβαίωσιν τῆ βελτίονος.* Hoc est: Poetis & oratorib. omnib. hominib. utendũ, unde futura sit aliqua utilitas, que ad animę faciat edificatione. Et paulo p̄d̄st: *Ἐστὶ nostrorũ*

EPISTOLA

fermonū atq; gentilium ulla est conuenientia, nobis illorum ualde conferet noticia: sin minus, eos saltem simul conferēdo differentiam discere licebit, cum ad melioris optionem atq; delectum non parum cōparatio ualeat, & inferiora sepe collata sint potioribus ornamento. Nec ab his dissentit Philo sapientissimus, dum libro de Agricultura, de puerorū studijs in hūc modum differit: *φυσίωσιν ἢ ταῖς μὲν ἐν ἡλικίᾳ παιδικῇ ψυχαῖς μοχσύματα, ὧν ὁ καρπὸς αὐτὸς τιθιμῶσται. εἴτι ἢ ταῦτα, ἢ τῷ χράσμι καὶ ἀπαγινώσκειν εὐστοχος ἐπιτήδευσις, ἢ τῷ παρὰ σοφοῖς ποιηταῖς ἀπειβῆς ὄρτυνα, γεωμετρία, καὶ ἢ περιττὸς ῥητορικῆς λόγος μελέτη, καὶ ἢ σύμπασα τῆς ἐγκυκλίου παιδείας μουσική.* Quæ uerba Latinis auribus sic sonant: Inferam autem primū in puerilis ætatis animas, surculos, quorū fructus ipsas enutriat. Sunt autem hi, scribendū legendique certa industria, eorum quæ apud sapientes poetas habentur diligens scrutatio, geometria, oratoriæ facultatis meditatio, & uniuersa liberalis musica. Atque hæc quidem de Poetarum auctoritate & lectione paucis attigisse, non planè ἐν τῷ τῶν ἐλλῶν, sufficiat. Haud enim parè humeris susciperem prouinciam, si ex singulis Christianis

## DEDICATORIA.

stianis scriptoribus (ut de gentilium myriadibus taceam) poetarum & laudes colligere, & osorum calumnijs occurrere conarer. Ego itaque tantorum uirorum iudicio & consilio incitatus, iuuentuti, cuius informandæ mihi quoque cura incumbit, hac in parte, quod ad optimorum poetarum studium attinet, labore quidem duro, animo uerò non ægro consulere studeo, cum hanc meam esse Spartam non ignorem. Mirificè enim peritæ rerum antiquitatis, quæ, ut Plato uult, *κρείττων ἄμα καὶ ἐγγυτέρω θεῶν ἐγύετο*, exemplum sequi, & quantum par est, alij ad idem faciendum autor esse placet. Hac de causa, cum labores nostros, quos in Comicorum L. scriptis ab interitu uindicandis exhaustimus, bonarum literarum studiosis non ingratos animaduertentem: facile, nunquam satis laudati uiri D. Ioannis Oporini, Compatriis ac amici mei obseruadis. cōsilio acquieui, quo me, ut horum quoq; poetarum, quos hic damus, scripta collecta iuuentutis studijs communicare, incitauit. Theognide ergo *γνωμικώτατος*, cū uersione & doctissimis ELIAE VIENETI Annotationibus, ex arbitrio D. Typographi, præmissis, reliquorum autorum omnium

nium

## EPISTOLA

nium scripta ex diuersis hinc inde autoribus  
 congeſſimus, congeſta fideliter interpreta-  
 ti ſumus, & ad puerorum captū quàm pro-  
 ximè accommodauimus. Nec iuuenilibus  
 ingenijs inutilem hanc noſtram operã fo-  
 re ſperamus. Caſtiſſima enim ſaluberrima-  
 que de moribus præcepta proponit, quæ  
 uſum non pœnitendū in omnes uitę huius  
 partes, ſi rectè percipiãtur, ſint allatura. Prę-  
 terea Græcæ linguæ (quæ comptiſſima eſt  
 in his autoribus) cum Latina collatio, non  
 parum emolumentū ad uberiore eruditio-  
 nis theſaurū comparandū adferet: ijs præ-  
 ſortim, qui aliàs uiua magiſtri uoce deſtitu-  
 ti, ipſi ſibi præceptores eſſe in Gręca litera-  
 tura cogũtur: ut plures cõmoditates, quas  
 præter iuniores etiam adulti hinc haurire  
 poſſunt, ſciens præteream. Non parum ta-  
 men doctiſſima Stobæi interpretatio, un-  
 de non paucas ſententias tranſcripſimus,  
 nos iuuat. Verſionem Latino carmine, ſui  
 cuique interpretis nomine præfixo, ne a-  
lienis nos ornare plumis uideremur, ſub-  
ieciſimus, ut Græcæ elegantiæ cum Latina  
 melius perſpiceretur conuenientia, ab ijs  
 qui iam abſque cortice in Gręco ſtudio na-  
 tare queunt. Nondum carmine reddita,  
 pro

## DEDICATORIA.

pro nostra tenuitate pedibus astrinximus, ita ut quàm proximè Græca sententia exprimeretur. Alicubi lectionis uarietas margini est aspersa. His omnibus eiusdem, si non carminis, tamen argumenti libellus Senariorum insertus est, ut quàm absolutissimam de moribus, totaque uita laudabiliter instituenda doctrinam, optimorum hoc Poetarum Opus teneris puerorū animis proponeret.

Hunc autem nostrum laborem, Viri amplissimi, uobis inscribere, librumque Scholæ uestræ consecrare, maximè necessarium duxi: tum, ut sub amplissimi nominis uestri patrocinio (quod quàm eximium erga bonarum artium cultores semper extiterit, manifestius est quàm ut nostro præconio indigeat) tutus à maleuolorum, quorum plena sunt omnia, morsibus in communem iuuentutis usum prodiret: tum in primis, ut grati tandem animi indicium, licet exiguum, exhiberem pro innumeris Reipublicæ uestræ in me beneficijs. Cum enim puerilium studiorum partem non postremam Scholæ uestræ celeberrimè constitutæ, sub optimis præceptoribus

M. CHRISTOPHORO Hoffmanno.

&c

## EPISTOLA

& IOANNE Tumlero (D. CASPARE Aquila primariam Ecclesiæ curam gerente) feram acceptam: gratitudinis officium uidebatur requirere, tam pro his, quàm pro alijs ciuium uestrorum in me meritis, char tacco hoc munusculo, cum aliud nõ esset, testatum omnibus reddere, memoriam humanitatis uestre nondum apud me sensisse: si fortè alij meo exemplo excitati, meliora, nominiq̃ uestro amplissimo magis conuenientia darent, & tandem ἀχαριστίας turpissimum crimè à Christiano cœtu exulare inciperet. Etsi uerò per se satis exiguū est munusculum hoc, nec dignum quod cum P. V. officijs conferatur: tamen, si pro uestro fauore erga liberalia studia & iuuentutis honestam institutionem, offerentis animum respexeritis, nõ minus gratum cōfido futurū, quàm si uel Colophonium aurum à me P. V. oblatum esset. Quæ spes ne me fallat, per eam, qua omnes φιλομάτους prosequi soletis, beneuolentiam etiam atque etiã oro. Deus opt. maximus, æternus Pater Domini nostri IESV CHRISTI, P. V. cōsilia & actiones ad sui nominis gloriam, & Ecclesiæ, Scholæq̃ue communem salutem dirigat, uosque omnes in sui agnitio-

ne

**DEDICATORIA:**

ne uera conseruet, Amen. Basileę, ex Ludo  
literario ad D. Petrũ, 8. Calend. Febr. Quo  
die, ut quidam uolunt, ante annos 1527.  
Paulus Tarsensis ad pœnitentiam reuoca-  
tus diuinitus, hostili in Christianos animo  
deposito, CHRISTI dogmata amplexus  
est: quem admodum Lucas Act.

9. scripsit.


**P. V.**

deditissimus,

Iacobus Hertelius

Curiensis.





# ELIAS VINETVS

*Santo Lectori.*



VM ocij plurimum anno superiore apud Franciscū Sangelasium Engulismensis Ecclesiæ Decanum, uirum cum generis splendore, tum ingenij dexteritate apprimè nobilem, nactus fuisset: id totum, quantum per aduersam ualetudinem licuit, in iucundissima Græcorum poetarum lectione à me cōtritum est. qua quidem in re consilium eorum lubens secutus sum, qui antiquos scriptores eo legendos ordine censent, quo & uixerunt, & scripserunt: quòd recentiores à uetustioribus semper habeāt quidpiā, quod non faciliè intelligas, nisi prius illos diligenter legeris. Perlectis igitur, quorū fuit copia, uetustissimis quibusque, cuiusmodi sunt Homerus & Hesiodus, Theognidem tandem in manus sumpsi: cuius sententias licet graues esse nō dubitarem, eò tamen intellectu mihi faciles fore sperabam, quòd credere nihil esse illic quod à posterioribus, quos aliquando legeram, non fuisset luculentius tractatum. Verum

b uixdum

uix dum è portu solueram, cum tot subito  
 emergunt scopuli, tot statim abortę nubes,  
 cœlumque diemque eripiunt oculis, ut à pro-  
 posito facile his deterritus fuisset, nisi cu-  
 pido huius conficiendi æquoris me plane  
 obstinata iã inde cepisset, ex quo primùm  
 à præceptoribus meis, Aristotelis aliorumque  
 ueterum scripta prælegi mihi cœpta fuerat,  
 quæ huius poetæ sententijs ueluti suauissi-  
 mis flosculis inspersa essent.

Cum igitur pergere obfirmato prorsus  
 animo certum esset, quæ ad tam difficilem  
 periculosamque rem conficiendam condu-  
 cere uisa sunt, ea diligenter omnia adhibui,  
 cuiusmodi sunt cum uariorum codicum,  
 locorumque ex eodem autore ab alijs scri-  
 ptoribus citatorum diligens collatio: tum  
 sincerum & acutè amicorum meorum, uiro-  
 rum doctorum, unã cum meo, iudicium: in-  
 ter quos Petrus Panætius & Iacobus Gu-  
 pylus, facile principes. qua quidem diligen-  
 tia abscessis, abiectis, transpositis multis, effe-  
 ctum tandem est, ut instituto satisfecerim  
 meo, perlegerim bonum poetam, eorumque  
 quę in eo corrupta erant, bonam magnam-  
 que partem obiter castigauerim. Cæterum  
 cum in eo totus essem, Ioanni Lodoico Ti-  
 letano

## EPISTOLA

Letano, typographo diligentissimo, rem pa-  
 teseci, cum in eius bibliopolium, quærendi  
 ex eo exemplaris gratia aliquando me con-  
 tulissem: quam ubi intellexisset, rogauit de-  
 hementer, ut si quid haberem in eum auto-  
 rem, quem esset breui excusurus, commu-  
 nicarem: me sibi, studiosisq; omnibus gra-  
 tum facturum. Id autem perfacile impetra-  
 uit ille, quando ineunte hac æstate huc ue-  
 ni, candido lector: cui in tuam gratiam pu-  
 blicandum tradidi, quicquid fuit nostri in  
 Theognidem laboris, quem autorem utinã  
 tam totum restituere omnino potuissem,  
 quam cupiebam. Is enim tam deprauatus  
 fuit, tam lacer, tam mancus, ut nulla diligen-  
 tia, nullo labore, nullis deniq; quantislibet  
 vigilijs id præstare potuerim, quæ res in cau-  
 sa est, ut in Latinum sermonem à me conuer-  
 sum non habueris. Quod reliquum igitur  
 hic desiderabitur, id ab alio interim dũ sceli-  
 eius expectabis, nostro hoc labore, quantu-  
 luscunq; est, fruaris, eumq; boni consi-  
 las uelim. Vale, Luteriæ. Ca-  
 lendas Sextil. 1543.

THEO-

# Notes du mont Royal

[www.notesdumontroyal.com](http://www.notesdumontroyal.com)

Une ou plusieurs pages sont omises  
ici volontairement.

Ciuitatem, & populos, & patrem honestans:  
 Multis per pectus & scutum rotundum uulneribus,  
 Et per thoracem ab anteriore parte sauciatus.  
 Hunc uerò lugent pariter iuuenes, senesq; (tur.  
 Et graui desiderio tota ciuitas funus ipsius prosequi  
 Huius sepulchrū, et liberi inter homines præclari sunt,  
 Itemq; nepotes, & omne posterorum genus.  
 Nunquam eius bona gloria interit, neq; nomen ipsius:  
 Sed quamuis sub terra sit, manet immortalis.  
 Quem se fortiter gerentem, manentēq; & pugnātem,  
 Pro patria & liberis uehemens Mars peremerit.  
 Quòd si effugerit sortē mortis longū inducētis soporē,  
 Et uictoria potitus splendidā gloriā pugnae auferat,  
 Ipsum ex æquo omnes iuuenesq; senesq; colunt,  
 Multisq; iucundis affectus ad orcum abit.  
 Senescens autem inter ciues præcellit, neq; quis illum  
 Ledere, nec irreuerenter nec iniuste cupit.  
 Omnesq; in sedibus iuuenes simul & æquales  
 Loca cedunt ei, quāq; maiores nati sunt.  
 Huius igitur uirtutis ad summū peruenire, nunc aliquis  
 Nitatur animo, non remittens bellum.

Eiusdem : aliàs Callini.

Quamdiu torpetis? quando strenuā habebitis animam  
 O iuuenes? an non ueremini uicinos,  
 Ob tantam ignauiam? In pace autem uobis uidemini  
 Sedere: sed bellum totam regionem infestat.  
 Quin scutum aliquis arte in prælio hosti obtendat:

Et

ἔστυτε λαὸν λαὸς καὶ πατέρ' ἀνελείσας  
 πολλὰ διὰ φόβου καὶ ἀσπίδος ὀμφαλοέσσης,  
 καὶ διὰ θώρηκος πρόδον ἐληλαμένους.  
 τὸν δ' ὀλοφύρονται μὲν ὁμῶς νέοι, μὲν γόροντες,  
 ἀργαλέω ἢ πόθῳ πᾶσα κένυδι πόλις.  
 καὶ τύμβος, καὶ παῖδες ἐν ἀνθρώποις ἀρίσμοι,  
 καὶ παίδων παῖδες, καὶ γένος ἐξοπίσω.  
 ἔδλε ποτε κλέος ἰδὸν ἀπόλυται, ἔδ' ὄνομα αὐτῶ,  
 ἀλλ' ὑπὸ γῆς πόρ' ἰὼν γίγνεται ἀθανάτος,  
 ὅρτιν ἀριστύνοντα, μόνοντά τε, μαρνάμενον τε  
 γῆς πέρι καὶ παίδων βῆρος ἄρης ὀλέση.  
 αἱ δ' ἔφυγον μὲν ἡῆρα ταυηλεγέος θανάτῳ,  
 νικύσας δ' ἀίχμης ἀγλαὸν εὐχος ἔλοι,  
 πάντες μὲν τιμῶσι ὁμῶς νέοι, ἠδὲ παλαιοὶ,  
 πολλὰ δ' ἔτρπνὰ παθῶν ὄρχεται εἰς αἰδῶν.  
 γηράσκων δ' ἀσπίσι μεταπέριπαι, ἔδλε τις αὐτὸν  
 βλάπτην, ἔτ' αἰδῶς ὅτε δίκης ἐθέλει.  
 πάντες δ' ἐν θάκοισι ὁμῶς νέοι, εἴ γε κατ' αὐτὸν  
 ἔκαστ' ἐν χώρῃ, οἳ τε παλαιότροποι.  
 τάντων νῦν τις ἀνὴρ ἀρετῆς εἰς ἄκρον ἰκέσθαι  
 περάδω, θυμὸν μὴ μεθίεις πολέμῳ.

τῶ αὐτῶ, ἡ Καλλίνῳ.

μέγιστον κατὰ κείδε: ἰὸτ' ἀλλήμιον ἔξετε θυμὸν,  
 ὡς νέοι: ἔδ' αἰδέϊδ' ἀμφιπόρῃ ἴνονας,  
 ὡς δὲ λίλυ μεθιστότες: ἐν εἰρήνῃ δ' ἀποιέτε  
 ἠδῶν, ἀτὰρ πόλεμος γαῖαν ἀπασαν ἔχει.  
 \* ἐν νῦν τις ἀσπίδα θέδω ἐναντιβίως πολεμίζω.

καὶ

\* Huncho  
 xametrum  
 D. Camera  
 rius de suo  
 suppleuit.

Et aliquis moriens ultimò iaculum emittat.  
 Honori enim est & ornamento uiro, pugnare  
 Pro patria & liberis & tenera uxore  
 Aduersus hostes. Mors autem aderit, quodcumq;  
 Parca destinauerint. Sed age quispiam rectà pergat  
 Extensò in altum gladio, & sub scuto forte pectus  
 Foueat, cum primùm incipit committi pugna.  
 Non enim mortem effugere fatale est  
 Virū, neq; si à maioribus immortalib; genus ducat.  
 Sape quis elapsus è pugna sonituq; telorum  
 Euadit, sed ipsum domi fatalis mors apprehendit.  
 Atq; hic sanè nec amicus est populo, nec gratus:  
 Illū uerò magnus et prauus deflēt si qd passus fuerit.  
 Vniuersus enim populus uirum fortem desiderat  
 Defunctum, uiuentem uerò instar semidei colit.  
 Nam coram intuentur illum uelut turtim:  
 Quippe solus multorum equat facinora.

## Eiusdem.

Veruntamen Hercules genus inuictum estis:  
 Confidite, nondum Iouis facies auersa est à nobis.  
 Nec hominum turbam formidetis, aut metuatis;  
 Quin rectà quisq; hostibus scutum obuertat  
 Inuisam amissurus animam, mortisq; nigrum,  
 Sed solis splendori gratum subiturus fatum.  
 Nostis enim quàm grauia sint Martis luctuosi opera;  
 Nostis etiam impetum permolesti belli.  
 Et quandoq; fugistis ipsi, quandoq; alios fugastis;



καὶ τις ἀποθνήσκων ὕστατ' ἀνοτισιόω.

τιμῶν τε γὰρ ἔστι καὶ ἀγλαὸν ἀνδρὶ μάχιδαι  
γῆς ὡς, καὶ παίδων, λιρῆδίνης τ' ἀλόχῃ  
δυσμονίσιμ, θανάτος δέ ποτ' ἔσεται, ὅπποτε λιὸν δὲ  
μοῖρα ἐπικλάσσωσ', ἀλλὰ τις ἰθὺς ἴτω,

ἄγγος ἀναχόμενος, καὶ ὑπ' ἀσπίδος ἄλκιμον ἦτορ  
ἔλας τοπρωτὸν μιγνυμόνσ' πολέμῃ.

ὃ γὰρ πως θανάτῳ γε φυγῆν εἰμαρμόνουρ ἔπιρ  
ἀνδρ', ὃ δ' εἰ προγόνων ἢ γόνος ἀθανάτων,

πολλὰν δισιότητα φυγῶν καὶ δῆπορ ἀπόντων  
ἄρχεται, σὺ δ' οἴκῃ μοῖρα λιχον θανάτῃ.

ἀλλ' ὃ μὲν ἐν ἐμπᾶς δάμῳ φίλος, ὃ δὲ ποθεινός  
τὸν δ' ὀλίγος σφράχαι, καὶ μέγας, ἤμ τι πάθει,

λατὴ γδ ξύμπαντι πόθος ἱρατόρβόφρονος ἀνδρῶς  
θνήσκοντος, ζῶν δ' ἄξιος ἡμιθέων.

ἄσπερ γὰρ μιν πύργου ἐν ὀφθαλμοῖσιμ ὀρῶσιρ,  
ἔρδαι γδ πολλῶν ἄξια μῆνος ἰδῶν,

τῶν αὐτῶν.

ἀλλ' Ἡρακλῆος γδ ἀνίκητον γόνος ἔστι

βαρσῆτ', ἔπω βῆς πύχονα λοξὸν ἔχῃ.

μὴ δ' ἀνδρῶν πλεθύνει δαιμάιντε, μὴ δὲ φοβῶδι,  
ἰθὺς δ' εἰς προμάχης ἀσπίδ' ἀνὴρ ἔχεται,

ἔχθρα δ' ἐν ψυχῇ θέμνος, θανάτῃ ἢ μελαίνας  
ἀργαῖσιμ λιῖρας ἡελίοιο φίλας.

ἔστι γδ ὡς ἀρίως πολυδακρύντῃ ὄργ' ἀείδουλα,  
ὅν δ' ὄργῳ ἰδάντ' ἀργαλίῃσ' πολέμῃ.

καὶ μετὰ φονγόντων τι δισιότητων τ' ἔχουσι,

ἢ τίσι;

# Notes du mont Royal

[www.notesdumontroyal.com](http://www.notesdumontroyal.com)

Une ou plusieurs pages sont omises  
ici volontairement.

S E N T E N T I A E.

308

Rettuleritq; sua parta trophæa manu,  
 Illum omnes pariter decorant iuuenesq; senesq;  
 Et bona percipiens plurima letus obit:  
 Affectus senio toti gratissimus urbi est,  
 Prorsus & hunc ipsum lædere quisq; cauet.  
 Turba senum iuuenumq; loci concedit honorem,  
 Nullus & equalis se equiparare uelit.  
 Ergo aliquis tantæ uirtutis tangere culmen  
 Conectur toto pectore bella petens.

Eiusdem, uel Callini.

O iuuenes, quid uult sibi tanta ignauia? ubinam  
 Sunt animi? num de finitimis rubor est  
 Segnitiam ob uestram? securo pace potiri  
 Creditis: at bello patria tota tremit.  
 Quilibet audacter mauortia surgat ad arma:  
 Atq; aliquis moriens ultima tela uibret.  
 Pro patria pulchrum est, natisq; & coniuge chara  
 Pugnare, & ualida bella cedere manu.  
 Mors aderit, cum fata uolent. iam quis mihi rectâ  
 Prodeat in pugnam, cum citò cœpta fuit,  
 Tollens terribili gladium uirtute, tegensq;  
 Fortia prægrandi pectora sub clypeo?  
 Effugere haud ulli mortem conceditur, etsi  
 A superis ortum duceret ipse suum.  
 Sepe quis à bello, telisq; reuersus, & hoste,  
 Repperit in proprijs ædibus exitium:  
 Nec tamen hic gratus populo est, nec amabilis ulli:

Illum

illum autem deflet cum iuniore senex.  
 Quippe sui desiderium post fata relinquit  
 Fortis, at in uita est semideo similis.  
 Conspicitur siquidem ueluti fortissima turris:  
 Nam quæ multi agerent, omnia solus agit.

Eiusdem.

Alcide sed enim genus insuperabile, forti  
 Est animo: nondum flexa Iouis facies.  
 Vos ne turba uirum, densus ne terreat hostis  
 Omnis in aduersos obuia tela gerat.  
 Inuisamq; adeo statuens abrumpere uitam,  
 Præcipiti cursu malit obire semel.  
 Nostis enim quàm sint horrentia prælia Martis,  
 Nostis & armigeræ quanta sit ira deæ.  
 Terga cecidistis partim, partimq; fugati  
 Estis, & experti scitis utrunq; satis:  
 Qui perstant simul, & primi certamina tentant,  
 Audentes animo cominus arma sequi,  
 Per pauci moriuntur, & à tergo agmina seruant:  
 Ast hominis timidi gloria tota perit.  
 Vix mala quis uerbis perstringere singula possit,  
 Quæ uir, qui in bello turpia gessit, habet.  
 Nempe ingens ignominia est, fugitare parantis  
 Lethali gladio terga secare uiri:  
 Turpe & puluere a stratum tellure cadauer,  
 Dorsa gerens crebris saucia uulneribus.  
 Progrediens aliquis maneat pede firmus utroq;

# Notes du mont Royal

[www.notesdumontroyal.com](http://www.notesdumontroyal.com)

Une ou plusieurs pages sont omises  
ici volontairement.

## SIMONID. SENTENT.

Eiusdem.

*Homo cum sis, nihil asserere stabile:**Nec ubi uideris hominem, certa**Spacia ætatis promitte. etenim**Musca uolucris res in morem**Inconstantia rotat humanas.*

Eiusdem.

*Nec ullus expers criminis, nec mortis est.*

Eiusdem.

*Vt arma fugias, fata non fugies tamen.*

Eiusdem.

*De luce casus cor memoriam non supra**Vnum tenebit, si cor habeamus, diem.*

F I N I S.

~~BASILEAE, EX OFFICINA~~~~OPORINIANA, ANNO SALV-~~~~his humane M. D. LXXII.~~*Mense Ianuario.*

Θεοί:

ἐπιδοὺ καὶ κακὸς ἐστὶ δεινός.